

DTV-Reisli 20.09.2009

Die meischte hei fürne 1 tägigi reis abgstumme,
wos um's organisiere sich gange si d'stimme aber verstumme.

Dass nid geng die gliche organisiere isch klar,
gar nüt mache wär ou schad mit soere guete schar.

So het d'Sabine de gluegt mit dr monika,
wo dasses das jahr söu härega.

Dr bätttag wie immer üses reise-datum,
20.09.2009 isch de gar nid öppe dumm.

So hei mir planet äs schön u schlächtwätter programm,
nachemne kompliziete uswahldiagramm.

D'monika isch s'schönwätterprogramm de ga rekognosziere,
leider bi näbu u het drum müess ufpassse dass si dr wäg nid verliere.

So hei mir de gspannt abgwartet dä Vereinsreitag,
u hei üs für's Schlächtwätterprogramm entschide wäge dr unklare Wättervorhersag.

Gstartet am sibni am Morge früeh,
tiu hei zum umeluege no chli müeh.

Vo verschidene Usgangsorte si mir agreist,
vo Arch, Lohn, Bern aues isch möglich heisst.

S'Fahrziel isch aber s'gliche für aui,
we nid da dr eint Zug wär usgfaue.

Träffpunkt Burgdorf het d'Sabine somit nid chönne ihaute,
u das aus SBB Agstellti; was fürne flaute!
Natürlich het si aber grad schnäu gschaute,
u isch i nächst Zug richtig Thun wo het ghaute.

In Walkringe isch ä Sensorium-Mitarbeiterin si de ga abhole,
nur so het si die angere doch no chönn ufhole.

Im Rüti-Hubel-Bad aui wieder zäme,
het sich de d'Sabine gli nümm müesse schäme.

Interessanti füehrige hei mir gha,
u derbi dörfe Sache probiere hie und da.

Tön mit Sang ure Platte mache,
da het's Gä viiiiu z'Lache.

Ou s'Glichwicht haute ire Gruppe,
Ufeme runde Ding wie näs Täller Suppe,
isch öppe gar nid eifach,
drum het mäs güebt mehrfach.

Barfuess über verschideni Gägenstäng spaziere,
I risigi Teleskop luege wo mega fasziniere,

Äs Ei nume mit rüehre a d'Wasseroberflächi bringe,
oder i grossi Röhre verschideni Tön singe,
Mit dä Häng i Tonchrüeg länge,
u sich i dunkle Rüm nid la bedränge.
über d'Entstehig vo farbigne Schatte klar wärde,
u im Wunderspiegel chli + dick oder gross + dünn wärde
no ganz viu anderi erfindige,
hei mängisch brucht chli überwinig.

Verpflegig hei mir de gno im Bus, Zug u ungerwägs,
chli brichtet, glachtet u äs het gfägt durchwägs.

Sogar chli schön wätter hei mir chönne gniesse,
äs hätt ja ou i strömendem räge chönne vom himu giesse.
Nei mir si auso durchus troche blibe,
u hei ufem schiff platz igno näbe angerne sibe.

Gli hei mir üs no chli meh usbreitet,
u üses apéro ufbereitet.
Chäs, Fleisch, Wysse u ou chli Rosé,
näb üs hei gstuunet aui Ahnigslose.

So sie die 40 Minute Fahrt viu z'schnäu verbi,
uf däm Schiff hätte mir no viu länger chöne si.

Autglasentsorge tüe mir grad im Küder ar Schiffländte,
Das het nidemau gstört die paar Änte,
Ussert äs paari vomene Angere Verein,
Hei gfunge dass sigi unaständig u gemein.

Nachem steile Astig zu dä Beatushöhlen,
hätte mir chli brucht Musik vom Göle,
stattesse isches de grad losgange mitere Führig,
die isch gsi uf Bärndütsch mit Englisch so rüerig.

Z'Gebrüll vom Beatusdrache hei mir chum chönne fasse,
u wo mir usecho si hei mir kouft ä feini Glace,
u hei us ufgwärmt ar Sunne uf dä Bänkli,
bi dere Wättervorhersag isch das gsi wie äs Gschänkli.

Mit Bus u Zug hei mir de aträtte üsi Heireis,
u pünklich losgfahre vom Interlaken Gleis.

Ungerwägs hei mir no d'Rätschte proviant gno,
u viu glachtet u glaferet sowieso.